


新繁縣鄉土志

昆明友-295

765/3
+10250.33

1-2
539


印=1.2



新繁縣鄉土志

光緒丁未
莫春排印

新繁統轄地輿圖



叙



邑乘也曷爲以鄉土名童蒙相當之知識也近時教育家研究兒童心理知高深則窒淺近則通惟卽鄉土習見習聞之事組織以成學問易以引人入勝也乃其義則有進於此者先賢士女以爲儀型卽國粹所以保存也山川園池以爲形勝卽封守所以慎固也蟲魚草木皆供服御之材市井貨賄咸佐經營之業明鄉土之與吾身有極大之關係故曰愛國心所由發也且夫國也者積鄉土而成者也愛鄉土卽所以愛國舉天下而皆愛鄉土國焉得不強此今日編纂一事誠教育首務歟繁邑蕞爾肇始乃在秦漢之際雖歷代事實無

磊落軒天地之蹟而山水平而清淑田畝狹而膏腴風俗樸而純厚賢哲之所生稼穡之所阜循良之所教而養皆有不

可聽其湮滅者余自乙巳之秋再莅斯土適奉文編纂斯志乃延邑孝廉陳君彥升勸其事閱半載書成陳君告余舊志文詞華贍而記載或多失實今是編所更正故不覺其駁辨考證之繁揆之教科程度似有不協余以爲是作志在正前志之得失徵文獻於散亡然實事求是固亦今日新學主義也方當懋養正之聖功而顧以浮誕夸虛之習浸其腦筋烏得爲教育哉今教科自有京師淵潤之本而是編之存使一縣事實不墜於地異日續修縣志於是編不僅二三册之取

矣爰誌顛末付諸手民

光緒丁未春正月會稽余慎叙

鄉土志例目

奏定學堂章程所列初等小學堂學科於歷史則講鄉土之大端故事及本地古先名人之事實於地理則講鄉土之道里建置及本地先賢之祠廟遺蹟等類於格致則講鄉土之動物植物礦物凡關於日用所必需者使之其作用及名稱蓋以幼稚之知識遽求高深之理想勢必鑿柄難入鄉土之事爲耳所習聞目所常見雖街談巷論一山一水一木一石平時供兒童之嬉戲者一經指點皆成學問其引人入勝之法無逾此者然必由府廳州縣各撰鄉土志然後可以授課海內甚廣守

令至多言人人殊慮或龐雜用是擬撰例目以爲程式守令雖事繁但能徵本地讀書能文者二三人案目考查依例編撰不過數月即可成書事必求其詳核文期於簡雅俟採輯成編一面將清本郵寄京師編書局一面錄副詳報本省大吏以免轉折遲延經局員審定刪潤俾歸一律訂成定本並各種教科書發交各府廳州縣以爲小學課本庶可成完全之學科迪童蒙之知識他日進學成才皆基於此賢宰令幸勿忽視

鄉土凡分爲四曰府自治之地

所轄之縣不與焉

曰直隸州自

治之地

所轄之縣不與焉

曰州曰縣今於四者均名曰本境

歷史

本境何代何年置

在所謂本境者即現在之府州縣名也

未置本境以前

唐虞夏商周屬何州

春秋戰國屬何國

秦漢以降何代屬何郡縣

何代改何州名

既置本境以後

何代屬何州郡

政績錄 官本境者有惠政均紀之以年月先後為

次約分三大端

言通古今而後仿此

興利

去害

聽訟

兵事錄

有全在本境者 或本境有何叛黨或他境有何叛

黨來犯本均敘其事之本末

有涉及本境者 如一大兵事或在本境為戰地或

以本境為險要或在本境屯駐則節錄在本境一段

事

耆舊錄 以本境之鄉賢為後學之感勸約分為二

事業 以實行為憑孝

善於
父册

嫻

親於
外親

任

一屆
於

郵

郵
憂貧

是也

學問 以著述為憑經史子集小學輿地算學校勘
醫學理化是也

凡歷代名儒名臣功臣名將循吏忠節為本境人者
均應收入惟已見正史及 國史有傳者不必詳錄
全傳但著錄姓名註名見何史何傳其事蹟果能感
動人心者亦須節錄一二不見正史 國史者應稍
詳

附名宦祠

鄉賢祠

忠義節烈祠附入

人類 本境於旗漢戶口外有他種人者務考其源流
敘其本末世系現在

戶口若干聚居何村何山其風俗大畧均應編入其
種約分

回 番 畚 裸 苗 猺 獐 狝 狍 狼

皿 狹 打牲 貂黎 土司

如土司不屬府州縣者則由布政司查明編輯

戶口 本境戶口丁數務查明現在實數編入如有兵
荒疾疫及因農商各事情形變遷致與生齒盛衰聚
散有相關之故者詳悉載入並查近年來本境

旗戶

男口若干
女口若干

漢戶

男口若干
女口若干

氏族 本境有何大姓

某姓如何受氏 何時自何處遷居本境 至今傳

幾代

宗教 本境所有外教務查明編入

回教人若干 回教與回種有分別回種係真阿刺伯人可編入人類回教有阿刺伯人有旗漢人入教者均編入此

喇嘛黃教紅教人若干

天主教人若干

耶穌教人若干

實業 凡齊民不入他教者務查明實業分而為四

士若干

農若干

工若干

商若干

地理

本境在省城之何方向若干里

凡言方里數以四正行
四隅言里數以四正行

在府城之何方向若干里

凡府與直隸州
自治地無此條 本境四

界係何境 如本境之界不止四境者則以四隅向明之

本境分爲若干區 或名爲鄉或名爲村或名爲團或名爲里各就其舊稱記之

何區在城之何方向若干里

區之四界係何區

全本境

城內區內有何古蹟詞廟坊表橋梁市鎮學堂

山 某山在本境治所之何方向若干里何區內或盤互數區 山之何方距何水若干里指最近處如近山有數水均詳之 山內有何水源其水向何方流

水 敘水道之源委約分爲四

有源委全在本境者 某水出本境治所之何方向若干里何區何山其水向何方流經歷何區何市鎮至何處與何小水會其小水發源何區何山向何方流經歷何處來會又向何方流至何處入何水約行若干里

有源委均不在本境者 某水發源何境何山何方

流至何處入本境

入本境處在本境治所之何方若干里

向何方流至

何處有何水自何方來注又向何方流過何城何區

何鎮市何大山之麓

須明山之何方

至何處出本境

出本境處

在本境若干里所之入何境內行境內若干里

有源在本境而委在他境者 敘法畧同源委全在本境者但後不言入何水而言至何處出界入某境行境內若干里耳

有源在他境而委在本境者 敘法畧同源委均不在本境者但後不言出本境而言入何水行境內若干耳

又有人力溝通之水道務載明何方自何處上承何水向何方行過何地至何處注何水 凡水之可通舟楫者務註明白委上溯至何區何地可行大船自

何區何地至何地可行小船可以所載之或可行筏

凡瀕海之境則須明海岸之灣曲港汊及所轄之島嶼并註明海岸島岸之灣港何處可泊輪船何處可泊民船瀕長江大湖之境亦須記江湖之港何處可停泊 凡山間之水道可行船者務註明何處為急流何處為平流水有春夏漲而秋冬枯者須分別註明

道路

自本境治地起出城之何方行若干里為何地每十里計

各一地又行若干里逾何山嶺渡何水至何地與何支

路會其支路何方自何地來經何地過何山水行若

千里來會本路又向何方行若干里何地山渡水過至

何地或左或右分一支路其支路向何方行計里過

同地前至何地或會何路或出界或止本境路又向何

方行若干里同前至何地出何界與何境何路接

物產 分天然產製造產二端天然產動物植物礦物

是也用三者之本質製成器物則製造產也今以天

然產列上製造產列下

動物

動物製造

植物

植物製造

礦物

礦物製造

製造之品雖多其本質不外動植礦三類如虎豹牛

羊皆天然動物產也其骨革齒毛所製之物皆動物

製造也絲出於蠶蠶為動物產絲則為動物製造布

出於棉棉為植物產布則為植物製造他如金銀銅

鐵錫玉石所製之器皆然茲舉一二以概其餘或有

合數質為一器者則取其多數而歸類焉惟天然產

製造產均應分大宗常產特產而註記之又在本境

之天然而在他境製造者或他境之天然而在本境

製造者尤應分別詳載

商務

本境所產之物 所製之品

何項在本境銷行每歲若干

何項運出本境註明水道在何地銷行每歲若干

自他境何地運入本境之何貨物註明陸運水運在何地每

歲銷行若干

新繁縣鄉土志纂修姓氏

總纂

新繁縣知縣余慎

協纂

舉人陳彥升

謄清

學 生姚祖光

學 生胡緝光

學 生劉曉常

書 吏劉光烈

繪圖

中書科中書呂蘭 彭縣人

學 生呂維澤

學 生陳傳範

採訪

陳芝山

新繁縣鄉土志卷首

經篇

水出湔氏道曰繁水地以水名曰繁縣繁縣之南鄙曰新繁後周徙繁邑治於新繁曰新繁縣新繁於禹貢爲沱江流域於周初在召南之國於秦爲蜀郡繁縣地於漢初爲繁國地於兩漢三國晉宋齊梁皆爲繁縣地於後周置縣於隋爲成都縣地於唐復曰新繁縣於宋因唐於元因宋於明因元

皇朝因明併彭復分疆宇狹焉新繁蕞爾邑也建置旣後文獻足徵者曰名宦善政於宋得王益程之邵沈卣予安丙於明得胡壽安劉體仁陳祖孫思述張志和李聞馨牛維驛李知縣胡知縣周知縣梁聖鄉於

國朝得張人瑞姚永煦歐陽方曜王霖鄭方城彭萼采李莪高上柱曹嗣音程祖潤趙幾志秀程祥棟錢劉選吳齊源陳錫鬯三十一人焉曰耆舊流風於名臣得梅摯勾濤張惠嚴樹森於名儒得任未費密而楊宏縉傅颺言張廷獻高登張粹德王家佩楊德三高汝論高映南高汝銘高象恒周鏗龍炳垣高汝評謝濟勳附焉於忠節得章明侯剛費經國經世經濟左有之王國泰黃材官於循吏得周表權周尹勾土良勾大章王平樊景麟

劉克勤費經虞李璉李天錫楊宏緒徐純修趙廷鼎梅
運昌張宏仁李湛葉如松鄧春林沈錫周於孝友得徐
表何剛王廷貴陳聯登王前詔李正茂林天照王輝宗
胡行縉張崇本楊浩楊世任吳萬鵬黃文中羅裕光高
汝南龍正飛鄧承恩魯懷泗郭紹先祭士玠梅繼良陳
錫周楊步青余天福李迎禧甯忠相彭謙李遠定楊堦
李壽萱陳心準梁茂先於睦嫻任卹得胡永壽李應鯤
駱有聲周世臣馬屺楊珣高燾甯盛祿何運泰魏金闕
梅芳九十二人焉曰兵役大事有羅尙討李持之役南
詔寇成都之役陳敬瑄田令孜討王建之役曹彬討全

師雄之役成都民變之役流賊屠蜀之役白蓮教匪之
役藍逆亂蜀之役彭縣通山會匪之役石逆犯蜀之役
紅拳教匪之役或大亂或小惟流賊屠蜀而新繁之民
無噍類焉

聖朝涵煦生育墾闢招徠民自遠方來受一廛則有楚籍有
吳籍有閩籍有粵籍有秦籍殖田疇長子孫生聚日繁
用宏茲賁二百餘年沐浴

聖澤服習仁義左道異端不入封內市有弦歌之聲野無相
翔之子士食舊德之名氏農服先疇畎商修世族之
所嚮工用高曾之規矩粲乎隱隱各得其所矣華陽封

域厥惟附庸江沱之間一小都會今縣境絕長補短將
五十里介三都而四達帶二江之雙流膏澤浸潤沃壤
縱橫其稻田則麻麥幪幪黍稷翼翼百穀殊名稷不能
記其蔬圃則有春韭秋松菑肥臂臚詭形者赫修莢者
豆其陂澤則蓮藕菰蒲翳沿被隄其原濕則有竹林果
芳草嘉木郊野之富號爲冠蜀林麓暢茂禽獸繁殖齒
革羽毛八村是飭爰有攻金之工五攻木之工九搏埴
之工二組織之工八婦工三攻皮之工二攻紙之工一
設色之工三縫紉之工三轉移事之器四醴汁之工三
鹽酪之工五飭材辦器鄰封所資珍異交通各得其所
禮曰三農生九穀園圃毓草木木藪牧蕃鳥獸百工飭化八
材商賈阜通貨賄蓋國計視乎民生民生資乎財用繁
雖最爾理亂之數亦可觀也